



Jadual Pembacaan Khutbah Jumaat

Siri 1/ 2024 (Januari Tahun 2024)

تاریخ	تاجوق	ب
5 Januari 2024M/ 23 Jamadil Akhir 1445H	Menginsafi Fitrah Penuaan	1.
12 Januari 2024M/ 30 Jamadil Akhir 1445H	Impian Yang Tidak Kesampaian	2.
19 Januari 2024M/ 7 Rejab 1445H	Pemberian Yang Dikhianati	3.
26 Januari 2024M/ 14 Rejab 1445H	Derma Organ: Erti Sebuah Kehidupan	4.
خطبه كدوا		

دبیایای:



زكاة فولاو فینغ

دتریبتکن:



جابتن حال إحوال اگام اسلام فولاو فینغ



Pemberian Yang Dikhianati

19 Januari 2024M/ 7 Rejab 1445H

الْحَمْدُ لِلَّهِ الَّذِي أَمَرَنَا بِالْإِحْسَانِ وَأَدَاءِ الْأَمَانَةِ وَنَهَانَا عَنِ الظُّلْمِ وَشَرِّ الْخِيَانَةِ.
وَأَشْهَدُ أَنْ لَا إِلَهَ إِلَّا اللَّهُ الْوَاسِعُ فِي فَضْلِهِ وَإِحْسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ الصَّادِقُ فِي إِبْلَاغِهِ وَبَيَانِهِ.
صَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَهْلِ الصِّدْقِ وَالْإِيمَانِ،
وَسَلَّمَ تَسْلِيمًا كَثِيرًا.
أَمَّا بَعْدُ، فَاتَّقُوا اللَّهَ عِبَادَ اللَّهِ، وَرَاقِبُوهُ مُرَاقَبَةً مَنْ يَعْلَمُ أَنَّهُ يَعْلَمُ
سِرَّهُ وَنَجْوَاهُ.

PARA TETAMU JUMAAT YANG DIKASIHI SEKALIAN,

Sebelum khatib meneruskan bicara mimbar, suka khatib ingatkan, bertakwalah kalian kepada Allah dengan sebenar-benar ketakwaan. Semoga kita bakal mendapat balasan syurga Allah yang dijanjikan kepada orang yang menyerahkan dirinya kepada Allah.

Selain itu, khatib juga ingin mengingatkan sidang hadirin sekalian, agar memberi fokus dan mendengar dengan bersungguh-sungguh khutbah



Jumaat ini. Janganlah leka bermain gajet, tidur dengan sengaja atau berbual-bual kerana perbuatan-perbuatan tersebut bertentangan dengan adab mendengar khutbah. Marilah kita bersama-sama menghayati khutbah Jumaat yang akan membicarakan tajuk: **“Pemberian Yang Dikhianati.”**

MUSLIMIN RAHIMAKUMULLAH,

Bersedekah merupakan satu bukti daripada nilai-nilai iman yang ada dalam diri seorang mukmin. Buktinya, Allah telah menyebutkan dalam surah al-Baqarah ayat 3:

الَّذِينَ يُؤْمِنُونَ بِالْغَيْبِ وَيُقِيمُونَ الصَّلَاةَ وَمِمَّا رَزَقْنَاهُمْ يُنْفِقُونَ ﴿٣﴾

Maksudnya: *“(Iaitu) orang yang beriman kepada perkara ghaib dan mendirikan solat serta membelanjakan sebahagian daripada rezeki yang Kami berikan kepada mereka.”*

Manusia diciptakan bersama hawa nafsu dan nafsu sudah dinisbahkan Allah سُبْحَانَهُ وَتَعَالَى dengan sifat menyayangi harta dan sangat tamak mengaut harta dunia. Justeru, sesiapa antara kita yang mampu mendidik diri dengan membelakangkan hawa nafsu bakhilnya serta menyemai sifat pemurah dalam diri, insya-Allah ini membuktikan bahawa dia seorang mukmin yang cemerlang dan bakal memperoleh balasan yang berganda di akhirat. Allah سُبْحَانَهُ وَتَعَالَى berfirman dalam surah al-Hadid ayat 18:

إِنَّ الْمَصْدِقِينَ وَالْمُصَدِّقَاتِ وَأَقْرَضُوا اللَّهَ قَرْضًا حَسَنًا يُّضْعَفُ لَهُمْ وَلَهُمْ أَجْرٌ كَرِيمٌ ﴿١٨﴾

Maksudnya: “*Sesungguhnya orang yang bersedekah baik lelaki mahupun perempuan dan meminjamkan kepada Allah dengan pinjaman yang baik, akan dilipat gandakan balasannya bagi mereka dan mereka akan mendapat pahala yang mulia.*”

SIDANG JUMAAT YANG DIRAHMATI ALLAH SEKALIAN,

Umat Islam di Malaysia dikatakan antara umat yang mempunyai empati dan sifat belas kasihan yang tinggi. Sifat pemurah rakyat Malaysia telah terbukti melalui sumbangan kepada mangsa-mangsa bencana, sama ada dalam negara dan luar negara. Contohnya peristiwa banjir besar di Kelantan, Selangor, Pahang dan lain-lain negeri.

Tidak cukup dengan bencana di dalam negara, umat Islam di Malaysia juga antara umat yang sangat peka dengan isu Palestin. Siri serangan pengeboman keji Zionis Israel sejak bulan Oktober tahun 2023, telah mendapat respon yang luar biasa oleh rakyat Malaysia. Bantuan kemanusiaan mendapat kutipan yang sangat besar jumlahnya sehingga mencapai ratusan juta ringgit. Malah, pihak kerajaan melalui Tabung Akaun Amanah Kemanusiaan rakyat Palestin yang dikendalikan Kementerian Luar juga menghampiri sasaran 100 juta ringgit. Kerajaan Negeri Pulau Pinang melalui masjid-masjid pada akhir tahun 2023 juga telah berjaya mengumpulkan lebih 1.2 juta khusus untuk tabung kemanusiaan Palestin.

SIDANG JUMAAT YANG DIRAHMATI SEKALIAN,

Walaubagaimanapun, malangnya terdapat pihak yang mengambil kesempatan dengan menyalahgunakan kemurahan hati rakyat Malaysia

untuk kepentingan mereka sendiri. Lihatlah penunggang agama dan *scammer* semakin bermaharajalela menjadikan kutipan derma sebagai satu kejaya. Ada yang mengeksploitasi mereka yang tidak berdaya seperti kanak-kanak, wanita, anak-anak yatim, warga emas, asnaf dan mereka yang kurang upaya, seperti tidak ada kesudahannya.

Golongan yang memerah keringat orang yang lemah ini cukup licik dengan berselindung di sebalik pakaian, institusi dan organisasi yang kononnya berlatarbelakangkan agama. Malah, mereka menggunakan kelembutan hati masyarakat dengan memaparkan kesusahan dan kedaifan yang mereka sengaja wujudkan.

Dalam kes-kes berprofil tinggi sehingga menyebabkan impak jutaan ringgit terhadap dana awam, sudah pasti ia satu aspek yang perlu kita teliti. Hal ini kerana sifat pemurah yang dizahirkan oleh masyarakat Islam tidak patut sama sekali dikhianati.

SIDANG JUMAAT SEKALIAN,

Setiap sedekah yang dihulurkan pasti diiringi dengan rasa bersyukur untuk mendekatkan diri kepada Allah, perasaan belas kasihan dan terselit hasrat agar sedekahnya 100% sampai kepada penerima.

Namun realitinya tidak sedemikian. Sesetengah organisasi telah menjadikan kutipan derma ini sebagai satu perniagaan dan mendapat laba atau keuntungan. Padahal, dalam kod tadbir urus baik pertubuhan yang dikeluarkan Jabatan Pendaftaran Pertubuhan Malaysia (ROS), organisasi yang menguruskan dana awam dibenarkan untuk mengambil tidak lebih 30



peratus daripada jumlah kutipan bagi menampung urusan pentadbiran dan pengurusan. Hal ini perlu dimaklumkan kepada para penderma.

Dalam syariah pula, setiap individu atau pertubuhan yang mengutip derma dianggap sebagai wakil kepada penderma (مُوكِّل). Dengan kata lain, wakil adalah pemegang amanah. Maka wajib kepada wakil organisasi berkenaan menguruskan dana tersebut sehingga tercapai maksud penderma. Jika objektif kutipan untuk membina bangunan tahfiz, surau ataupun masjid dan sebagainya, maka sepatutnya dana tersebut dihabiskan untuk tujuan tersebut sahaja. Jika disimpan, diseleweng atau disalahgunakan, maka jelaslah amanah tersebut telah dikhianati.

Nabi ﷺ berpesan dalam hadis yang diriwayatkan oleh Abu Hurairah رَضِيَ اللهُ عَنْهُ, Baginda bersabda:

إِذَا ضُبِّعَتِ الْأَمَانَةُ فَانْتَظِرِ السَّاعَةَ قَالَ: كَيْفَ إِضَاعَتُهَا يَا رَسُولَ اللَّهِ؟ قَالَ:

إِذَا أُسْنِدَ الْأَمْرُ إِلَى غَيْرِ أَهْلِهِ فَانْتَظِرِ السَّاعَةَ

Maksudnya: “Jika amanah telah disia-siakan, tunggu saja kehancuran terjadi.” Kemudian seorang sahabat bertanya: “Bagaimana maksud amanah disia-siakan, ya Rasulullah?” Baginda menjawab, “Jika urusan diserahkan bukan kepada ahlinya, maka tunggulah kehancuran itu.”

﴿Hadis Riwayat Al-Bukhari﴾

SIDANG JUMAAT YANG DIKASIHI SEKALIAN,

Kesimpulan daripada khutbah pada hari ini;

Pertama: Setiap organisasi yang mendapat dana awam, perlulah membelanjakan dana tersebut dengan sebaik-baiknya. Jangan disimpan tanpa dimanfaatkan atau disalahgunakan.

Kedua: Institusi yang mengutip dana awam wajib mengisytiharkan berapa peratus dana yang diperlukan untuk membuat utusan pentadbiran dan pengurusan kepada penyumbang derma. Cukuplah mengambil sekadar *ajrah mithil* (أَجْرُهُ مِثْلُ) atau upah yang sekadar sahaja bagi tujuan pengurusan dan pentadbiran.

Ketiga: Sebagai mukmin, sifat pemurah mesti dilatih. Jangan takut untuk memberi, kerana memberi tidak sama sekali menghabiskan harta, malah Allah سُبْحَانَهُ وَتَعَالَىٰ menjanjikan harta yang sentiasa subur.

Oleh yang demikian, keluarkanlah sedekah sebanyak mungkin dan yang paling utama adalah berwakaf. Amalan berwakaf inilah yang disebutkan sebagai sedekah jariah yang pahalanya sentiasa mengalir walaupun nyawa tidak lagi dikandung badan.

Firman Allah dalam surah al-Baqarah ayat 261:

مَثَلُ الَّذِينَ يُنْفِقُونَ أَمْوَالَهُمْ فِي سَبِيلِ اللَّهِ كَمَثَلِ حَبَّةٍ أَنْبَتَتْ سَبْعَ سَنَابِلَ فِي كُلِّ سُنبُلَةٍ

مِائَةُ حَبَّةٍ وَاللَّهُ يُضَاعِفُ لِمَنْ يَشَاءُ وَاللَّهُ وَاسِعٌ عَلِيمٌ ﴿٦٦﴾

Maksudnya: “Perumpamaan (derma dan nafkah yang dikeluarkan oleh) mereka yang membelanjakan hartanya di jalan Allah adalah seperti sebutir benih yang menumbuhkan tujuh tangkai dan pada setiap tangkai terdapat seratus biji. Allah melipatgandakan (ganjaran) bagi sesiapa yang dikehendakinya. Sesungguhnya Allah Maha Luas (Rahmat) kurnianya lagi Maha Mengetahui.”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ،
إِنَّهُ هُوَ الْغَفُورُ الرَّحِيمُ.



Khutbah Kedua Bulan Januari

2024M/ 1445H

الْحَمْدُ لِلَّهِ عَلَىٰ آلَائِهِ وَإِحْسَانِهِ، وَالشُّكْرُ لَهُ عَلَىٰ تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعَظِيمًا لِّشَأْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَىٰ رِضْوَانِهِ.
صَلَّى اللَّهُ وَسَلَّم عَلَىٰ سَيِّدِنَا مُحَمَّدٍ وَعَلَىٰ آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]



اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

SIDANG JEMAAH YANG DIRAHMATI ALLAH,

Khatib ingin mengambil kesempatan ini untuk menyeru para jemaah sekalian agar terus memberikan sokongan padu tanpa berbelah-bagi kepada penduduk Palestin yang sedang dizalimi oleh Regim Zionis melalui serangan tanpa henti di Gaza dan Tebing Barat.

Kita mungkin tidak mampu mengangkat senjata, tetapi kita masih mempunyai kekuatan daripada aspek kewangan. Infakkanlah sebahagian rezeki untuk membantu mereka yang ketika ini berada dalam keadaan yang amat menyedihkan serta menjalani kehidupan yang sukar. Selain itu, gunakanlah senjata paling ampuh yakni DOA. Semoga Allah سُبْحَانَهُ وَتَعَالَى menganugerahkan kejayaan, keselamatan dan kesejahteraan buat seluruh umat Islam serta rakyat Palestin khususnya. Semoga bumi Palestin kembali aman dan makmur di bawah rahmat Allah سُبْحَانَهُ وَتَعَالَى.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ اعِزَّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَأَنْصُرْ مَنْ نَصَرَ الدِّينَ،

وَاخْذُلْ مَنْ خَذَلَ الْمُسْلِمِينَ، وَأَعْلِ كَلِمَتَكَ إِلَى يَوْمِ الدِّينِ.

اللَّهُمَّ انْصُرْ إِخْوَانَنَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلَسْطِينَ وَفِي كُلِّ مَكَانٍ، اللَّهُمَّ ثَبِّتْ إِيْمَانَهُمْ وَأَنْزِلِ السَّكِينَةَ فِي قُلُوبِهِمْ وَوَحِّدْ صُفُوفَهُمْ.

اللَّهُمَّ إِنَّا نَعُوذُ بِكَ مِنَ الْبَرَصِ، وَالْجُنُونِ، وَالْجُدَامِ، وَمِنْ سَيِّئِ الْأَسْقَامِ.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزَّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.



عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايِ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٩﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ
عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٢٥﴾